

Resitala i le a'oga amata mo le 2026

O le amataga o a'oga o se taimi e sili ona fiafia mo tamaiti, mātua ma tagata tausi. Matou te manana'o e fesoasoani e fa'afaigofie mo oe le fa'agasologa o le resitalaina i le telē e mafai ai.

I totonu o Vitoria, e ia i lou alo le aiā tataua e auai iā latou a'oga i tuaoi ua fa'atulagaina (lau 'a'oga fa'alotoifale') i lalo o le *Tulafono Toefuata'iga Faalea'oa'oga ma A'oa'oga 2006*.

E mafai foi ona e talosaga mo se nofoaga ise a'oga e lē o lau a'oga fa'alotoifale. O le a iloilo e le a'oga lau talosaga e tusa ma fa'atulagana ale Faiga Fa'avae o Nofoaga e Tu'u iai (Placement Policy). Mo nisi fa'amatalaga atili o le Faiga Fa'avae o Nofoaga e Tu'u iai, asiasi i le itulau fa'aupega tafa'ilagi [Resitalaina i a'oga \(Enrolling in school\)](#).



Vaitaimi fou fa'atulagaina i le setete aoao mo Tausaga Fa'avae (Prep)

O tausaga muamua o le a'oga amata e ta'ua o le Tausaga Fa'avae po'o le Prep. Ua matou fa'asalalauina atu se fa'asologa o taimi mo resitala i le Tausaga Fa'avae e mulimulita'i iai a'oga amata uma fa'alemalo i Vitoria (taga'i i le itulau 4). O le vaitaimi fa'atulagaina o lo'o fa'amoemoe e fesoasoani iā oe e malamalama i le taimi ma pe fa'aapefa ona lesitala lau alo ile Foundation mo le tausaga a'oga 2026.

O afea e tataua ona resitala ai la'u tamaitiiti i le tausaga muamua o le a'oga amata?

E ao ona 5 tausaga le matua o lou alo a o le'i o'o iā Aperila 30 i le tausaga e amata ai lana a'oga.

E fa'amalosia le auai o tamaiti ua 6 tausaga le matutua i le a'oga.

Ina ia resitala lau tamaititi i se aoga amata a le malo o Vitoria mo le tausaga aoga 2026, e ao ona aumai se talosaga resitala i le a'oga ae le'i o'o i le aso 25 Iulai 2025.

E fa'aapefa ona resitala la'u tamaitiiti i le tausaga muamua o le a'oga amata?

Fai la'asaga nei ina ia resitala ai lou alo i lana tausaga muamua ole a'oga amata:

1. Su'e lau a'oga fa'alotoifale i le upega tafailagi (website) Find my School (Su'e La'u A'oga) (taga'i i le pito i lalo).
2. Fa'afeso'ota'i se a'oga amata fa'alemalo ina ia fa'atonu ai se asiasiga i le a'oga pe saili ia iloa atili i le a'oga ma le fa'agasologa o le talosaga o le resitala.
3. Sefe mai (Download) le fa'amatalaga tu'u'afa'atasia o le resitala mo le Tausaga Fa'avae (Prep) mai le [Resitalaina i le Tausaga Fa'avae \(Enrolling in Foundation\) \(Prep\)](#). O le a avanoa le fa'amatalaga tu'u'afa'atasia i le Aso Lua 22 Aperila 2025 ma o le a aofia ai ma se pepa talosaga. E ono saunia fo'i e le a'oga se kopi o le pepa mo oe e fa'atumu.
4. Tu'uina mai se talosaga mo le lesitalaina mo le Tausaga Fa'avae **ae e le'i o'o atu ile Aso Faraile 25 Iulai 2025**.
5. O le a logoina oe i le tali o lau talosaga **i le va o le Aso Gafua 28 Iulai ma le Aso Faraile 8 Aukuso 2025**. Afai ua manuia lau ofo mo se avanoa, e tataua ona e talia le avanoa **ae le'i o'o ile Aso Faraile 22 Aukuso 2025**.
6. Auai i fa'amatalaga o lesitala ma suiga i **vaitaimi ole Kuata Iona 4 2025**.
7. O le a amata lau tamaititi i le Tausaga Fa'avae **mai le Aso Lulu 28 Ianuari 2026**.

E fa'aapefa ona ou sailia la'u a'oga fa'alotoifale?

Saili lau a'oga fa'alotoifale i le upega tafailagi (website) Saili La'u Aoga (Find my School) e ala i le mulimulita'i i la'asaga o lo'o i lalo:

1. Tu'u le findmyschool.vic.gov.au i le itulau i luga o le upega tafailagi (browser).
2. Tu'u iai lou tuatusi tumau i lalo o le 'Enter your address to get started' (Tu'u iai lou tuatusi ina ia amata).
3. Filifili le 2026 i lalo o le 'Enrolment year' (Tausaga resitala). **Fa'asilasilaga:** o sone o a'oga mo le 2026 o le a maua i le tau fa'ai'ui'uga o le Kuata 1, 2025.
4. Filifili le Primary (A'oga Amata) i lalo o le 'School type' (Ituaiga a'oga).

O le a fa'aali mai loa ele fa'afanua lou tuatusi, lau a'oga fa'alotoifale, ma i le itu agavale o fa'amatalaga auiliili e feso'ota'i ai le a'oga. Afai e te fa'asolo ifo i lalo, o le a fa'aali mai ai foi a'oga e lima o lo'o latalata ane i lou tuatusi.

E mafai foi ona e su'eina i igoa o a'oga i lalo o le 'Search for school' (Saili le A'oga).

Pe mafai ona talosaga la'u tamaitiiti i se a'oga amata fa'alemalo e lē o se matou a'oga fa'alotoifale?

Ioe, e mafai ona e talosaga i isi a'oga e ese mai i lau a'oga fa'alotoifale. O le a iloilo e le a'oga lau talosaga e tusa ma fa'atulagana ale Faiga Fa'avae o Nofoga e Tu'u iai (Placement Policy) fa'apea ma avanoa o lo'o iai. E mafai ona e maua fa'amatalaga i auala e fa'amamamua ai talosaga i luga o le itulau [Resitalaina i a'oga \(Enrolling in school\)](#).

O le ā le mea e tupu pe afai ua ou mauaina se tusi e fa'apea mai e le'i manuia la'u talosaga?

E tatau ona e talosaga e resitala lou alo i se isi a'oga. E mautinoa o lo'o iai se avanoa o lou alo i latou a'oga fa'alotoifale. E fuafua le a'oga fa'alotoifale a lou alo e fa'avae i lana tuatusi o lo'o nofo tumau ai. Asiasi i le [Find my School \(Saili La'u Aoga\)](#) ina ia maua le a'oga fa'alotoifale a lou alo. O le itulau [Resitalaina i a'oga \(Enrolling in school\)](#) e mafai foi ona fesoasoani iā oe e fa'amautinoa le tuatusi o lou alo mo le resitalaina.

E mafai foi ona e apili le fa'aiuga. O le itulau [Resitalaina i le Tausaga Fa'avae \(Enrolling in Foudation\) \(Prep\)](#) o lo'o iai fa'amatalaga i le fa'agasologa o le apili o se fa'ai'uga e maua mai le talosaga.

O le ā le mea e tupu pe a ou misia le vaitaimi o le resitala?

E mafai ona e talosaga e resitala lau tamaititi i le Tausaga Fa'avae mo le tausaga aoga 2026 i so'o se taimi mai le Kuata lona 2, 2025.

A'o talosagaina oe e tu'uina mai sau talosaga resitala a'o le'i o'o i le Aso Faraile 25 Iulai 2025, o talosaga pe a mae'a lenei aso o le a talia pea mai aiga ua misi taimi e resitala ai, si'itia mai se nofoaga tumau pe fa'ato'a taunu'u mai i Vitoria.

O talosaga resitala e tu'uina mai pe a mae'a le aso 25 Iulai 2025 o le a fa'agasolo e le a'oga i le fa'asologa e maua mai, e tusa ai ma le Faiga Fa'avae o Faatulagaga a le matagaluega.

O fea e mafai ona ou maua ai nisi fa'amatalaga i le resitala i a'oga amata?

E mafai one e fesili i le a'oga amata i lau lotoifale mo nisi fa'amatalaga i le fa'agasologa o le resitalaina i le Tausaga Fa'avae.

I le amataga o le Kuata 2, 2025 e mafai foi ona e mauaina se fa'amatalaga tu'ufa'atasia i luga o le fa'agasologa o le resitalaina ole Tausaga Fa'avae ile itulau o le [Resitalaina i le Tausaga Fa'avae \(Enrolling in Foudation\) \(Prep\)](#).

Afai e te manaomia le fesoasoani i le fa'aliliuina o le afifi o fa'amatalaga, fa'amolemole talanoa i lau a'oga amata fa'alotoifale mo se fesoasoani.

O ai e mafai ona ou fa'afeso'ota'ia mo se fesoasoani?

O le Ofisa o Feso'otaiga o Suiga, Ofisa o Resitala po'o le Pulea'oga o le a'oga amata e te manao e talosaga iai e mafai ona fesoasoani iā oe i so'o se fesili e tusa ai ma le fa'agasologa o le resitala.

So'otaga aogā

Fa'amolemole ua iai nisi feso'ota'iga aoga i lalo e ono fesoasoani mo oe i le a'e ai o lau tamaititi i le aoga amata:

Saili la'u Aoga – findmyschool.vic.gov.au

Fa'amatalaga i sone o a'oga – vic.gov.au/school-zones

Resitala i le Tausaga Fa'avae (Prep) – vic.gov.au/enrolling-foundation-prep

Resitala i le a'oga – vic.gov.au/how-choose-school-and-enrol

A'oga i a'afiaga tumau o le soifua ma le aofia fa'atasi – vic.gov.au/disability-and-inclusive-education

Fa'amatalaga e fa'afeso'ota'i ai ofisa fa'aitulagi – vic.gov.au/office-locations-department-education

Fa'agasologa o Taimi mo le 2025-26

Aso 2025

Gaioiga

Kuata 2: Aso Lua 22 Aperila 2025 - Aso Faraile 4 Iulai 2025

Kuata 1 ma le 2, 2025	E faia e a'oga amata maimoaga, vasega o fa'amatalaga ma isi gaioiga mo aiga o lo'o sailia le resitalaina o latou tamaiti mo le 2026 i le Tausaga Fa'avae (Prep).
I le amataga o le Kuata 2, 2025	O sone fa'alea'oa'oga mo le tausaga a'oga 2026 e fa'asalalau sa'o atu i le findmyschool.vic.gov.au E tatau ona o' atu matua/tausitama i le findmyschool.vic.gov.au ina ia sailia ai a latou a'oga i tua'oi (a'oga i le lotoifale) fa'atulagaina mo le 2026. E mafai ona sefe mai (download) le Afifiga o Fa'amatalaga mo le Resitala mo Matua ma Tausi tama mai le Resitalaina i le Tausaga Fa'avae (Enrolling in Foudation) (Prep) .
Mai le Vaiaso 1, Kuata 2, 2025	E mafai ona tufa atu e a'oga Amata le Afifiga o Fa'amatalaga mo le Resitala i aiga e ono auai ma o latou afioaga.
Mai le Vaiaso 1, Kuata 2, 2025	Tatala talosaga mo le resitalaina – e tu'uina atu e matua/tausitama a latou talosaga ua mae'a ona fa'atumu mo le resitalaina ise a'oga amata a le malo mai le aso lenei.

Kuata 3: Aso Gafua 21 Iulai 2025 - Aso Faraile 19 Setema 2025

E o'o atu i le Aso Faraile 25 Iulai 2025	Taimi e tatau ona o'o atu ai talosaga mo le resitalaina – tu'uina atu e matua/tausitama a latou talosaga mo le resitalaina ua mae'a ona fa'atumu ise a'oga amata fa'alemalo i le aso lenei.
I le va o le Aso Gafua 28 Iulai ma le Aso Faraile 8 Aukuso 2025	E logo e le a'oga Amata matua/tausitama i se tusi i iuga o le resitala i le Tausaga Fa'avae (Prep), e tusa ai ma le Faiga Fa'avae o Nofoaga e Tuu Iai a le matagaluega. E ono aofia ai ma le tusi ofo, o se tusi fa'amautuina ai le resitala, po'o se tusi talosaga ua lē manuia. O matua ma tausitama na lafoina atu ai se tusi talosaga ua lē manuia e tatau ona amata tu'uina atu se apili tusitusia i le aoga amata.
E o'o atu i le Aso Faraile 22 Aukuso 2025	E ao i matua ma tausitama ona lafo atu se tusi talia o le ofa mo a latou tamaiti ae le'i o'o atu i lea aso.
E o'o atu i le Aso Faraile 22 Aukuso 2025	Aso Tapunia mo matua ma tausitama e tu'uina atu ai se apili tusitusia i se a'oga tulaga muamua.
E o'o atu i le Aso Faraile 5 Setema 2025	E logo atu e le a'oga Amata ia matua ma tausitama uma, e ala i se tusi, iuga o a latou apili o le lē talia i le nofoaga i le aso lenei.
E o'o atu i le Aso Faraile 19 Setema 2025	Aso e tapunia ai le lafo atu e matua/tausitama tusi apili o le lē talia i le Fa'atonu Fa'aitulagi e talafeagai ai, i le nofoaga na latou lē manuia ai latou apili i a'oga amata na mananao iai.

Kuata 4: Aso Gafua 6 Oketopa 2025 - Aso Faraile 19 Tesema 2025

I le vaitaimi o Kuata 4, 2025	Ta'imua le a'oga Amata i le faia o vasega o le suiga.
E o'o atu ile Aso Faraile 31 Oketopa 2025	E logo e le Itulagi ta'itasi matua ma tausitama uma i se tusi i fa'aiuga ale Fa'atonu Fa'aitulagi i apili o le lē talia i le aso lenei. E fa'atatau lea i na'o apili lea e maua i le aso e tapunia ai o le Aso Faraile 19 Setema 2025.